

# Powšitkowne WOZJEWJENJA

njedźelu, 13. februara 2011

## Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich čłonow towarstwa, čłonow sekcijow a korporacijow kaž tež zajimowanych hosći na swoju hłownu zhromadźiznu na swjedženju swojeju patronow pónđzelu, 14. februara, do Radworja. Započnjemy we 18.30 hodź. z Božej mšu w Radworskej cyrkwi. Přizamknje so zhromadźizna na farje. Sćěhowacy dnjowy porjad je předwidžany:

1. zahajenje
2. wólba nawody zhromadźizny
3. rozprawy předsydstwa, nawodow korporacijow a sekcijow
4. finančna rozprawa
5. rozprawa rewizijneje komisije
6. schwalenje rozprawow
7. fotowa prezentacija džěławosće towarstwa w zašłym lěće
8. diskusija
9. zakónčenje / modlitwa

*Jurij Špitank, předsyda TCM*

## Swójbne popołdnjo wot 0 do 99 lět

Bačońska wosada přeprošuje wšitkich zajimowanych na swójbne zarjadowanje njedźelu, 13. februara, w 15 hodź. do Haslowa na Bizoldec žurlu. Wo zhromadne reje square-dance postara so rejwanski studij Pohle z Budyšina.

## Zetkanje samostejacych

Samostejacy ze serbskich wosadow su na zetkanje sobotu, 5. měrca, w 14 hodź. do Domu biskopa Bena w Smochćicach přeprošeni. Zajimcy njech so hač do pjatka, 25. februara, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli.

## Swětowe zetkanje młodžiny w Španiskej

Młodostni, kotřiž chcedža so na swětowym zetkanju młodžiny w Madridže wot 10. do 23. awgusta 2011 wobdžělić, móža so hač do pónđzele, 28. februara, w zarjedže biskopstwoweho dušepastyrstwa młodžiny w Drježdžanach přizjewić, pak telefonisce pod čisłom (03 51) 3 36 47 17 abo z e-mail na jugendseelsorge@ordinariat-dresden.de. Jězba płaći 499,00 eurow. Serbsku skupinu budže referentka Dekanatneho dušepastyrstwa młodžiny Weronika Wróblowa nawjedować.

## Profylaktiska poňmóć a postajenja pacienta

Ambulantna hospicna služba Carity přeprošuje wšitkich zajimcow na přednošk k temje „Profylaktiska poňmóć (Vorsorgevollmacht) a postajenja pacienta (Patientenverfügung)“ wutoru, 1. měrca, w 19 hodź. w ewangelskej wosadnicy na Angeru w Kamjencu. Sylvia Wosky, skutkowaca w socialnej službje chorownje maltezow w Kamjencu, porěči na přikład wo tym, na kotre wašnje měloj so za wšitkich wažnej dokumentaj nastajić a što mělo so wobkedźbować.

## Studijna jězba „Po slědach Alojisa Andrickeho“

Młodzinske dušepastyrstwo Drježdžansko-Mišnjanskeho biskopstwa přepróšuje młodostnych a młodych dorosćenych wot soboty do njedzele, 2. do 3. apryla, na studijnu jězbu „Po slědach Alojisa Andrickeho“. Předwidžany je wopyt kaceta w Dachauwje, hdžež bu Alojś Andricki 3. februara 1943 morjeny. Zajimcy njech so w biskopskim ordinariacie w Drježdžanach přizjewja, telefonowe čisło (03 51) 3 36 47 17 abo z e-mail na [jugendseelsorge@ordinariat-dresden.de](mailto:jugendseelsorge@ordinariat-dresden.de).

## Jubilejne pory k biskopej přepróšene

Drježdžansko-Mišnjanski biskop Joachim Reinelt přepróšuje mandželskich, kotřiž woswjeća w běhu lěta 2011 jubilej, sobotu, 10. septembra, do Drježdžan. Zajimcy měli so pisomnje w pastoralnym wotrjedže biskopskeho ordinariata přizjewić a swoju adresu kaž tež jubilej podać: z póstom na Bischöfliches Ordinariat, Abteilung Pastoral, Käthe-Kollwitz-Ufer 84, 01309 Dresden, z faxom na čisło (03 51) 3 36 16 01 abo z e-mail na [Pastoral@Ordinariat-Dresden.de](mailto:Pastoral@Ordinariat-Dresden.de).

## Poskitk křižerjam

Křižerjo móža sej hač do pjatka, 18. měrca, pola šwalče Petry Kupcyneje we Worklecach cylindry k jutram skazać, telefonowe čisło (03 57 96) 9 56 04. Tež wšelake pisane jutrowne banty ma šwalča na wuběr.

## Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Budže to jubilejne 300. putnikowanje wěriwych z Waršawy do Częstochowy. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so bórze přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

## Terminy přenjeho swjateho woprawjenja a swjateho firmowanja w serbskich wosadach (korigowana wersija)

	prjenje swjate woprawjenje	swjate firmowanje
<b>Bačoń</b>	5. junija	10. apryla
<b>Budyšin</b>	8. meje (serbsce) 22. meje (němsce)	3. julija
<b>Chróścicy</b>	29. meje	3. apryla
<i>Pančicy-Kukow</i>	5. junija	—
<b>Kamjenc</b>	22. meje	2. julija
<b>Kulow</b>	5. junija	hišće njejasne
<b>Njebjelčicy</b>	22. meje	8. meje
<b>Radwor</b>	1. meje	3. apryla
<b>Ralbicy</b>	1. meje	22. meje
<b>Wotrow</b>	22. meje	10. apryla

Swjate firmowanje w Drježdžansko-Mišnjanskim biskopstwje wudžělita biskop Joachim Reinelt a emeritowany swjećacy biskop Jurij Weinhold, druhy paralelnje w dwěmaj wosadomaj.